



KOMUNIKADO PA PRENSA

Fecha
17di febrüari 2017

Kolaboradó di Maneho
Corinne Leysner

Email
corinne.leysner@gobiernu.cw

Sta. Rosaweg a habri bèk pa tráfiko

Willemstad - Entrante awe, djaluna 20 di febrüari, Sta. Rosaweg a habri pa tráfiko atrobe. Asina Minister Suzy Camelia-Römer di Tráfiko, Transporte i Planifikashon Urbano i e organisashon Obra Públiko a duna di konosé. Esaki ta trese un alivio den e filanan largu ku ta forma durante orarionan di pik riba e diferente kamindanan di Banda Ariba ku tráfiko ta usa.

Mantenshon di Sta. Rosaweg, entre Barbouqet i Marchena Hardware, tabata stroba tráfiko di hasi uso di e parti aki di e kaminda importante. E trayekto di mantenshon ta forma parti di e plan di mantenshon total di Sta. Rosaweg, kaminda a drecha den e aña ku a pasa algun parti kaba. No ta posibel pa sera un kaminda importante manera Sta. Rosaweg den un tiru pa mantenshon. P'esei e mantenshon a tuma lugá den diferente fase.

Ku finalisashon di e último fase akí, por lo pronto no tin trabounan di mantenshon na Sta. Rosaweg. Den e simannan ku ta sigui tin algun trabou ainda pa finalisá e proyekto di mantenshon pero esenan no ta stroba tráfiko.